

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第三三一號


據

清光緒九年修，姚德莘纂  
清光緒二十三年補遺

影印

湖北省

# 宜城縣續志



成文出版社有限公司印行



中華民國六十四年 月壹一版

# 宜城縣續志

全 冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

光緒九年鐫

宜城縣續志

docsriver 文川网  
入驻商家 古籍书城

在文川网搜索古籍书城 获取更多电子书

凡例

一前志舊分十門告成甫十七年耳陵谷詎有變遷卽漢水崩鬻不無小異然不至大段改移故方輿無可續戶版賦役自康熙

恩詔後續生人丁作爲

盛世滋生册永不加賦故食貨一門前志已詳無庸再贅丙寅以來天洗甲兵人安鋤耰兵事災祥均無可紀故雜類一門亦不必續續止七門固無事勉強敷衍以從舊目致誚鳧脛蛇足譏也

一臣當孔道軍興以來羽檄旁午諸務未遑迨烽燧大

靜制作方興衙署公廨次第舉修而河隄之資扞衛  
倉穀之備凶殺尤屬利賴在民謹詳錄之以期永終  
無弊

一選舉由科目與保舉之有案可稽者皆照案詳錄其  
他捐納諸職及封蔭之典由本人赴局呈報方有  
憑以錄入其未經報局者無從考查容俟另續

一邑遭丙寅除日之亂士女蹈道而死者纍纍相望前  
志於郵典所及者續入耆舊志而其他未及列女  
亦續多人然不無遺漏今從事久論定之後詳爲搜  
羅務期發幽光於身後以慰毅魄於九原

一耆舊分門亦從其朔然不朽之二匪易必實有大政  
事真學問至行無愧者由紳耆公舉覆查無異方與  
錄入不得徇一二人之阿好概爲收列至人必經論  
定存者不錄猶前志也

一列女之已 旌者自據檔冊錄入其待 旌者悉由  
附近紳耆舉報學師批准入志方與著錄庶無魚目  
混珠之弊至殉難諸婦女至今述其事懍懍猶有生  
氣但窮鄉僻壤有事昭人耳目無從舉其姓氏者俠  
氣空存而芳名不著興言及此輒爲感慨繫之

人之無裨世道者雖美無彰故一切吟詠風

置弗收惟憑弔古跡節錄一二之尤者不以多爲貴也

一舊列十門分爲十卷今止十餘年之事卷帙無多故止分上下卷不泥於舊也



宜城縣續志總目

凡例

卷上

建置志

城池

隄防

壇廟

公署

公所附津梁

學校志

黌序

書院

考棚

義學

賓與附

秩官志

文職

武職

宦蹟

選舉志

辟薦 舉人 貢生 例貢附軍功 銓選

封蔭附

耆舊志

政蹟 儒行 忠孝 耆壽附

卷下

列女志

藝文志

文 古體詩 今體詩

宜城縣續志卷上

建置志

城池

隄防

壇廟

公署

地志大凡率首山川十餘年耳詎有變遷至於庶務綜理需賢莫爲之後何以承先舉修廢墜綱紀燦然書不一書用續前編方輿無可續續建置

城池

同治六年縣令謝蘭勸諭城內士民捐修城西南隅兩段各十餘丈又修西北隅炮台又諭附郭居民築東南隅城脚培厚加高計三十餘丈濬西北城濠五年除日搶賊由下流而上盤踞縣東六年正月

三日始退後於京邑永隆河爲官兵所敗接復上  
竄正月十七八日過境未及避者多被殺虜自是  
風鶴虛驚聞輒皆走鄉民各就附近寨堡制器械  
儲糧食爲固圉計城中士民亦未雨綢繆踴躍輸  
將修理城垣制火礮軍械鑄大炮二十五尊附郭  
之民見其足恃咸來助工於是城脚城濠益修固  
濬深是役也人樂趨公費無浪用是以工雖鉅而  
民不擾

十年縣令陸祐勤重修東門南門小東門敵樓

光緒五年縣令傅維祐重修西門敵樓

七年縣令齊維昌補修城東門營房

八年縣令李連騎重修西北西南隅城垣十有餘丈

### 隄防

隄於隄沿漢東西兩岸西自臥虎岩至龍王洲長七十

餘里計六萬餘丈高一丈至三丈不等厚一丈六尺

又自龍土洲至葛籐灣築隄二十餘里高厚如之東

自古河口至萬楊洲長十五六里高厚如西岸同治

九年縣令陸祐勤興築十年完功

清隄自黃家溝口上至蘇湖橋長十餘里高厚如河隄

同治十年築

宜白兩渠湮廢西岡袤百餘里棄爲石田惟洛澤  
兩岸地尚爲膏腴然舊無隄防水漲輒橫決倒灌  
如雲之稼盡輸河伯農夫望洋興嗟十年而八毘  
陵陸公甫下車問民疾苦知並渠之民苦旱濱漢  
之民苦水惄然不安於心思所以拯其飢溺而拔  
諸水火然兩役不能並興爰爲權其緩急謂興利  
不如除害躬詣河干集耆宿議興築之宜乃爲定  
章程畫基址夫按畝出糧由夫備不派一錢不雇  
一役督幸者各因其鄉之士公日行隄率十數里  
董其不勤者而勸其勤以爲常蓋有鳩工至歲事

木嘗不在隄所也同治九年秋役始興歲暮成上半段自臥虎岩起至印家套止次年接修下段自印家套起至龍王洲止以里計者七十餘以丈計者六萬餘又自龍王洲起至葛籐灣止以里計者二十餘上下一律完固兩渠之水會於蘇湖橋入漢之口曰黃家溝上流雖湮下流如故當秋淫潦迤西百餘里歐澹汨合挾兩渠而下至蘇湖橋匯使風龍潭一泄其勢瀾漫無所以束之則其出不速泛濫而滯爲澤國乃沿溝築隄十餘里而內外之防始備西隄既成則將以東爲經公不忍東人

之罹偏災也渡漢親履其畝經畫如西法上自古  
河口下至官莊爲里若干畝築之聲甫及萬楊洲  
公已愛代去下游之隄遂不克成後公在江夏宜  
士應秋試者公詢及之未嘗不咨嗟太息且引爲  
已責謂爲之不勇而成之不速也噫公之惠愛宜  
民雖去而猶不能忘如此昔蘇子瞻守杭州築西  
湖隄以衛民民賴其利號爲蘇公隄陳堯佐守滑  
州河決築長隄號陳公隄今公之惠愛在民何異  
二公耶公之去民欲爲公建生祠公峻拒之然至  
今沿隄之民遵公約束鑿之石以垂久遠其石之



額大書深刻皆曰陸公隄而口碑之載道尤翕然  
無異辭公在宜以經術飾吏治人皆變呻爲吟化  
俚爲文而隄之利賴在人尤其彰明較著者於以  
繼美蘇陳何多讓焉惜乎東隄未竣而瓜期已迫  
使得稍寬時日完隄之後以其全力大興水利復  
數百年之大利甦並兩渠之困民其爲利澤不益  
無窮哉然此非公之所得爲也乃述其已成之功  
而原其未竟之志以冀後之志公志而心乎民者  
登河隄自葛籐灣起至璞河隘止長十餘里四年縣令  
楊尚典修十年縣令劉秉懿完功

docsriver 文川网  
入驻商家 古籍书城

在文川网搜索古籍书城 获取更多电子书

縣廟

文寧廟在城東南隅縣治異方同治十年縣令陸祐勤捐建

公署公所付

縣署同治八年縣令謝蘭於二堂左修花廳二間東向光緒五年縣令傅維祐改而南向又捐修署前後各處舊者新之腐者易之署之內外煥然改觀

咸豐倉在縣署左考棚右光緒五年縣令傅維祐捐建共修倉房十六間以天地元黃宇宙洪荒八字編號六年元字倉圯縣令劉秉懿重加修理又於各倉重易

倉板貯穀樊斛三千石設立章程十條派首士經理  
春放秋收斗加息穀二升又置錢五百串存典生息  
以爲歲修之用

倉之設以備年之凶荒昉於漢之常平然貴糶賤  
糴出納之際勢難無弊隋立義倉散而不責其價  
然倉空又募之民間其散也見德其收也又斂怨  
矣惟朱子社倉以穀爲息而不以錢息米孽生又  
無歲歲募收之弊實較漢隋爲勝今劉公之章仿  
朱子之意而變通之誠可行之久遠然自來有治  
人無治法故

本朝李鴻堂侍郎謂不得其人則社倉與青苗同弊然則遵公法而行之克效豈不在人哉

公善堂縣令楊鈞去任後留錢八百緡又曾姓充州地一段計種十畝坐落劉家台歲收稞錢二十串完糧五升八合又撥育嬰堂田入之爲施藥施棺點種牛痘恤寡救孤之費

育嬰堂田段坐落錢糧稞資附列於後

一分四段計十一畝半坐落答家岡一分五十八段計七十二畝坐落辛常營草屋一座今地一分二段計十畝坐落羅家坡係軍田無糧一分四段計二十

一畝坐落陳家巷二分二段計三畝坐落郭家洲一分一段計三畝坐落鄭家湖一分十六段計三十畝坐落五堽湖共完錢糧貳兩玖錢玖分伍厘共計秤錢肆拾壹串陸百文

### 津梁

鯉魚橋在南門外同治十年縣令陸和勤重修舊券三甃今改作一大甃高大皆加於其舊

南門外木橋舊無橋左右水不能通同治十年縣令陸和勤興建又自鯉魚橋開溝引水入使曲繞南流過文筆峰下出東池爲玉帶水以培文風其開溝之處

設石門時其啓閉使淫潦有備七年縣令齊維昌易木橋爲磚橋

鐵練橋在縣東北二十二里上達襄樊下走安陸至省會爲行旅通衢受漢東諸山之水下入於漢其始之石橋不知所昉後圯於山水乃架木爲之行者弗便光緒六年始易以石監生陳宗柱文生郝鵬運從九劉長安候選知縣何遠炳倡衆捐修

楊林溝橋在鐵練橋上水歸鐵練橋入漢

承志橋在楊林溝上水歸鐵練橋入漢監生陳宗柱承父志創修通田鎮司大路宗柱又施田六畝雇人於

橋北施茶

郝家城石橋受鷄鳴山諸處水下與鐵練橋合始未有橋貢生郝廷颺倡修上流又有石橋在勝因寺門通

田鎮司大路

郭海營石橋在市南洩赤湖水舊無橋行者多病涉有嚴善人者幼爲人傭積百餘金悉捐以建橋不足則躬跪渠旁籲人布施雖酷暑烈日不避也復得百餘金而橋以成善人各興發東灣人道光十二年大水嘗捐傭作之資百餘金以活人人德之爲立祠東灣隄旁





宣城縣續志卷上

學校志

黌序

書院

義學

賓廡

於哉

聖清賦役無更將昭萬禩矧十餘齡前志既詳後復何  
廢惟學之設規模日新迨廣士額俎豆莘莘黨序  
日益賢能以賓敬錄於策用勵斯人食貨無可續

續學校

黌序

光緒元年

欽願斯文在茲額

光緒六年縣令傅維祜補修東西兩廡七年縣令劉秉懿重新掀揭煥然改觀

教諭署舊在明倫堂後乾隆間遷居西街義學大公館右光緒六年鼎建於明倫堂左大堂三間後堂三間廡房四間倒廳二間

尊經閣在明倫堂後八圮同治十年縣令陸祐勤重修

### 書院

紫峯書院在學宮左同治八年邑令謝蘭重修

### 考棚

考棚在縣署東光緒六年縣令傅維祜於至公堂下  
東西各修屋三間於龍門外添修雲路門七年縣  
令齊維昌補修號板號堯共計堂號十條棚號一  
百零四條龍門外修屋二間爲看守考棚人之所  
舊有旁門閉之禁不許復開且禁署內人借任禁  
借作公館皆刻石以爲永禁

### 義學

六善堂義學在城內同治十年縣令陸祐勳重修東  
廂易大門西向諭李澄捐河田九畝雷登煥捐河  
田六畝並撥罰款百緡人之爲立章程刻之石

鳳麓義塾在鷄鳴山之麓勝因寺光緒二年廩生郝

峻運等割寺田五十二畝創立稟官立案

賓興

一前縣余思訓捐廉四百串監生皮桂華捐錢四百

串共置買莊屋一所瓦正屋三間草屋一間門樓

一座東南至鄧西至大路北至李河田二分一坐

落南河七畝計四十二畝四至有界橋一坐落柘

家嶺計五畝東至大路西至商南至賈北至李完

糧一斗七升

一胡德選捐錢四百串

一 蕭榮捐河田七畝坐落王家嶺東至蕭西至王南  
至大路北至熊無糧

一 楊杜氏捐市房一所坐落璞市老街東至南不記  
西至高南至街心北至蔣河田三分坐落老茅洲  
一分十畝東至草界西至高南至王北至高一分  
三畝東北至王西至朱南至路一分二畝東至草  
界西至本人南至王北至路

朱文化捐屯田一分坐落桃灣一分六段計二十  
八畝四至俱至劉一分一畝九分東至朱西南北  
至劉完糧六斗三升三合運銀七錢

docsriver 文川网  
入驻商家 古籍书城

在文川网搜索古籍书城 获取更多电子书

一王修恕捐款一百串

一前縣劉發出修整龍神祠存錢五十串

一張周氏捐田二十畝光緒七年張得中贖回交價二百二十五串

一張達化呈繳張氏田五畝三分坐落官莊完糧二升六合

邑賓興不一處經理不一人積久弊生無從稽察光緒庚辰邑侯劉諭城內首士總其成以八人作兩班輪流值年於每年冬月初一日收管糧錢之人攜帳詣賓興館公算明晰縷帳存案將所收之



錢放出生息至鄉試年分六月初一日收齊由老師派人帶至省垣按各給發並刊刻章程以垂永遠

一事內之人不許用錢用錢者須押紅約及紅票方可按月九厘生息

一賓興館永爲賓興首士議事公所不准外人雜在亦不准書差等借作公館至於歲修由值年者上在賓興款內提用